



GH  
R SUJE  
H A C

V

ar sperejou r  
rei din sc  
i eur cha  
espiica sciér d'ar re a vo presant.  
vit ma commancin ober ar ganouen :  
je zo mal hac eun all femelen.  
"vo souden a beb eil da barlant  
guile, hervez o zantimant.  
o daou en eur memes contre,  
ti rent gant güir fidelite :  
et int bet en a bugaleach ;  
ont e reont davantach,



O zud p'o deus güelet, a ra an disparti;  
 Ar goas a zo casset da boursuiv e studi.  
 Cetu int separet, ema o studia;  
 Var ben daou vloas goude grêt e studi gantâ.

Da bemp bloas varnuguent da receyan urzio,  
 Bet eo er seminer, bêleg sur e vezò;  
 Cetu ar femelen bremàn abandonet,  
 Mantret eo e c'halon, n'en dè qet hep sujet.

Bep mintin pa zave ha pa zê da gousqet,  
 E teu da zonch dezi demeus e douç Cloarec,  
 En deus grêt e studi o c'hortos an termen  
 Da veza bêleguet, mes na vo birviqen.

Monet a ra ar goas vel eun den languissant  
 Ha blesset e galon, da gaout e vestres coant,  
 Bete gout ne dije chenchet a breposou,  
 Ha laqet inutil o oll bromesseou.

### *Ar Goas.*

Bonjour dêc'h vamestres, trist bras è vac'halon,  
 O tonet ho pete gant peb affliction :  
 Mardeut d'am dilezel c'houiam greilanguissant,  
 Ha marbec'h fidèle d'in e zo fin d'am zourmant.

### *Ar Plac'h.*

E zòn var an douar pemp bla varnuguent zo,  
 Hac e meus ententet calz eus a rêsolio :  
 Dre m'oc'h eusstudiet, e credàñ oc'h eusc'hoant  
 Da zonet d'am goapât; divoallit, d'en yaouanq.

### *Ar Goas.*

Nen dòn qet deutamàn da gounta fablennou;

Bezit ar vadelez da zelaou va c'homzou,  
 Ha parlantit ouzin mar plich ganèc'h ingal,  
 Rae c'houi am eus choaset en plaç va breurial.

*Ar Plac'h.*

Biscoas eun den honest na meus droug res-  
 pontet,

En em anaout a remp hac a raimp bepret :  
 Countant òn da livra va c'horf ha va bue,  
 Ha goude va oll vad , ar pez am eus anê.

*Ar Goas.*

Roete meus daentent had'am mam ha d'am zad  
 Ne vijen qet bêleg, ne voa qet ze d'am grat ,  
 E hen d'en em angaji evit mont d'an arme ,  
 Ha biqen n'am goeljent o retorn en bue.

*Ar Plac'h.*

Ar pez a lavarit zo vel pa vent scrifet ;  
 Mes bremàn e meus hast adare da glêvet  
 Petore respontchou oc'h eus bet, va mignon ,  
 P'oc'h eus annoncet dê eur gomz q'en dirêzon.

*Ar Goas.*

Accordet e zeo dîn ar pez meus goulennet :  
 Pa guerfet , va mestrez , e vezimp unisset .  
 Laqit dîn eun termen ha na vo qet re hir ,  
 Hervez ho polonte , evel m'oc'h eus dezir.

*Ar Plac'h.*

Qer bras ê va dezir , ha ma ê hoc'h hini ;  
 Me na c'houlennen qet donet da zeclari

( 4 )

Ar virione qen sclér dirazoc'h , va mignón ,  
Rac aon na ven tromplet dre eun tol trahison.

*Ar Goas.*

Chenchomp a breposou ha leqeomp termen  
Da veza unisset hep retardi souden ,  
Dre volonte Doue hac hor main an Ilis ,  
Ma chenchimp a vue ha fin d'hon yaouanqis.

*Ar Plac'h.*

Omp en anter ar ziun , hirio eo ar merc'her ,  
Au termen a laqàn , emei , va servicher ;  
Tennit ho paperiou var an de diveza ,  
Ma veomp embannet , e mei , dissul guenta .

Cetu an daou den-mâ demezet hac eureujet ,  
Da uza o bue vel m'o deus prometet .  
Chanç a souetàn dè etre ma vint er bed-mâ ,  
Ha goude o maro er gloar da jouissa .

Ar Chanson a zo grêt gant eur speret dister ,  
Natif ha domicil a goste Landreguer ;  
Demeus a vis guenveur , ar bevar varnuguent ,  
Ebars er bla c'hoezec , evit rei da entent .

F I N.

---

E Montroulez , eus a Imprimeri LEDAN .



## G U E R Z S A N T E Z   A L I E D   L O N G E A R T.

---

**M**e ho suppli, Bretonet, bourc'hisien ha noblanç,  
**M**Da zelaou eur voerz nevez leun eus a importanç :  
Ar sujet d'e c'homposi a zo eur femelen,  
Hac e deus grêt goal vloaves en defot a guelen.

O Doue ! Alied Longeart, goassa crim oc'h eus grêt,  
Laza ho taou grouadur hep beza badezet !  
Ma carjac'h beza sònjet en providanç an èe ,  
Ho pije savetaet ene ho pugale.

E vije savetaet ene daou grouadur ,  
A zo ganet er bed-màn divar an avantur.  
Pa antre ar jandarmet en e zy d'e c'hemer ,  
Ne devoa qet ar gourach d'allout prononç ur guer ,

Mes e mam , ar vechantes , en e flac a gomzaz ,  
Va merc'h a zo accuset dre valiç ha dre gas.  
Ar jandarmet p'e c'hlêvjont en e dorn e crogjont ,  
Hac e daou zorn adre e c'hein dezi a amarjont.

Hac e mam qerqent hac hi gant qerden garotet ,  
Ha d'ar prison da Roazon ractal voent cunduet .  
Alied a lavare ebars prison Roazon :  
O va Jesus adorabl ! glac'har zo em c'halon.

Rac güelet a ràn facil an heur hac ar momet  
Ma finisso ar vuez meus digant Jesus bet ;  
Ma finisso ar vuez meus digant Doue bet :  
Vit savetat va ene , clasquit din eur bêleg .

Ar jolier, vel m'e c'hlêvas, pront en qêr a zo êt,  
 Eur relijus santel gantân n'eus digasset ;  
 Eur relijus santel gantân n'eus digasset ,  
 Er moment m'e deus goulet da gavet Alied.

P'e devoe côvessêet bete'r guir diveza ,  
 E mam a fallas dezi eun nebeut da garga :  
 Gout oun ervat, emezi , e zòn bet accuset ;  
 Mes dre'r c'hraç eus a Jesus muntrerez n'en dòn qet.

Pa bign Alied Longeart, pa bign ebars er squeul ,  
 Ar relijus santel a bign iveau d'e heul ;  
 Ar relijus santel a bign qerqent hac hi ,  
 Ha gantân bars en e zorn imach ar Grucifi.

Ha gantân bars en e zorn imach ar Grucifi ,  
 Evit laqat bep moment da brezant dirazi :  
 Cetu amàn , Alied , zo evidomp marvet ,  
 Biscoas den var e varo n'en deveus rebechet.

Mar qerit beza secret var ho mam hac ho c'hoar ,  
 Jesus o c'heulio , va merc'h , bete sevel d'ar gloar :  
 Ne voa qet ar guir gantân dija peurachuet ,  
 Ar procurol-general er prison zo antreet.

Ar procurol-general er prison zo antreet ,  
 Ha gantân bars en e zorn paperassen pleguet ;  
 Ha gantân bars en e zorn paperassen pleguet :  
 Cetu amàn , Alied , ho setanç hoc'h arrêt.

Cetu amàn , Alied , ho setanç hoc'h arrêt ,  
 Ha d'ar prison da Bontreo e vezot cunduet :  
 C'houi a yêlo da grouga d'ho prô ha d'ho canton ,  
 Vit ma vezot punisset en ho jurisdiction.

C'houi a yêlo da grouga da justiç Sant-Thomas ,  
 Evit ma viot güelet gant an oll bian ha bras ;  
 Hac an oll bian ha bras , Alied , ho coelo ,  
 Hac ho mam , va c'hoar Doue , a yêl d'ar guêr pa garo .

E tal Iliz ar Feunteuniou p'o deus-i bet rentet,  
 Dirac Calvar Olivet e zeo bet daoulinet ;  
 Dirac Calvar Olivet e zeo bet daoulinet ,  
 Ar Groas hac ar Grucifi e deveus saludet ;  
 Ar Groas hac ar Grucifi e deveus saludet ,  
 An oll imachou divin var Calvar Olivet.

An oll imachou divin var Calvar Olivet.  
 Ouz an autrou brigadier jandarm e deus goulet :  
 Ouz an autrou brigadier jandarm e deus goulet :  
 Qent ma antrein e qêr ve va bisach mouchet.

Rac me meus eno qerent ha breudeur bêleyon ,  
 Evel ma antrein e qêr e ranno o c'halon ;  
 Me meus er guêr-mâ qerent bourc'hisien ha noblanç ,  
 Evel ma antrein en qêr vo bras o disneganç .

Alied a lavare var brênest e frison :  
 O Jesus ! Roue ar gloar , glac'har zo em c'halon ;  
 Me vel ar c'hargou fagot o vont da Sant-Thomas ,  
 Hac aben creiz-de sonet em bo santet ar vlas .

Me vel ar c'hargou lan-ze tont gant ar ru d'an traou ,  
 Hac aben creiz-de sonet e vin ludu ha glaou .  
 Ar jolieres gant truez ha compassion outi ,  
 A chommas en e c'hichen evit e c'honsoli .

Tavit , Alied , va buguel , hac en em gonsolet ,  
 Ar gurunen doubl er gloar a zo déc'h preparet ;  
 Ar gurunen doubl er gloar zo evidoc'h preparet ,  
 Sônjit e zomp en amzer eus ar gouân caled .

Ne guemerit en nep aon na spont en ho calon ,  
 Ar c'heuneud-se zo evit qêr demp da bourvision ;  
 Ne voa qet ar guir gante dija peur achuet ,  
 Ar Bourreo deus a Roazon a antre d'e c'herc'het .

Bars e plac ar voulouzen ar gorden a laqas ,  
 Ha cunduet d'ar maro da justic Sant-Thomas .

Cri e vije ar galon , ha cri ma na voelje  
En justiçou Sant-Thomas an hini a vije.

Truez ha misericord e voa dont d'e güelet ,  
Ha brassoc'h compassion e voa c'hoas e c'hlèvet :  
Tostait , asistantet , hac amàn e cléfet  
Ar boanniou ar c'hruella e deus ar Zantez souffret.

Ar boanniou ar c'hruella e deus ar Zantez souffret  
En plac e mam hac e c'hoar , hep beza meritet :  
Oll asistantet devot , calz oc'h aze prezant ,  
Va c'horf a expos dêc'h oll eur melezour patant.

Bremâ-son en ho presanç e vo fin d'am bue ,  
Qent vit mervel e c'houlân eur *Bater* , eun *Ave* .  
Qent vit mervel , en hano Jesus eur *Bater* eun *Ave* ,  
Ma recevo va Jesus en e chloar va ene.

Goude m'o deus e c'hrouguet , var ar chariot lajet ,  
Dre bêvar c'horn Pontreo e c'horf paour voe traïnet ;  
Dre bêvar c'horn Pontreo e c'horf paour voe traïnet ,  
Ha goude e oll memprou var ar rojou toret.

Neuze e teujont ganti da dossen Sant-Thomas ,  
Grêt eur bern tan horerus ma voe strinjet ebars ;  
Grêt eur bern tan horerus ma voe strinjet ennàñ :  
Oll belerinet devot , pedit , pedit amàn.

Bet e deveus ar pouvoar digant Salver ar bed  
D'accordi soulajamant d'an oll belerinet .  
Qement a antre en douar gant güir devotion ,  
A receeo soulajamant en ho affliction .

FIN.